



Inatsisartunut ilaasortaq Aleqa Hammond, Nunatta Qitornai
Inatsisartut Allattoqarfiat
/Maani

**Kalaallit Airports A/S-imi Suliffimmi atugassarititat pillugit § 37
naapertorlugu apeqqummut nr. 2020/147-mut akissut.**

16-09-2020

Postboks 1015
3900 Nuuk
Oqarasuaat (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

Asasara Aleqa Hammond,

Ingerlatseqatigiiffinni Namminersorlutik Oqartussanit pigineqartunit unammil-
lerneq pillugu Inatsisartut suleriaasianni § 37 naapertorlugu Naalakkersuisunut
apeqquteqarsimavutit. Apeqqutigisatit uannit akisassanngortinneqarsimapput.

Apeqqutigineqartut ilaat sammisanut Kalaalli Airports-ip akisussaassuseqar-
neranut aalajangiisinnaassuseqarneranullu piginnaatitsissutinut tunngassuteqar-
mata ingerlatseqatigiiffiup aqutsisuinut akissutissanik piniartoqarsimavoq.

Apeqqutigineqartut ima oqaasertaqarput:

- 1. Kalaallit Airport A/S-ip, Kalaallit Airport International A/S-ip
imaluunniit pilersuisussaataasut ataanni sulisunut atugassari-tinne-
qartut eqqarsaatigalugit oqaatsitigut imaluunniit katersuus-sinnaati-
taanermut inerteqquteqartoqarnersoq?**

§ 37 naapertorlugu apeqqutigineqartut akiniarneranni Kalaallit Airports A/S-imut
akissutissanik piniartoqarsimavoq taannalu imaattunik akissuteqarpoq:

*"Suliffeqarfik sorleq apeqqutigineqartumi pineqarnersoq oqaaseqatigiinni
paasiuminaassinnaammat aallarniutigalugu uparuarneqassaaq;*

*Apeqqutigineqartumut tassunga ingerlatseqatigiiffik Kalaallit Airports Holding
A/S, Kalaallit Airports International A/S aamma Kalaallit Airports Domestic A/S
sinnerlugit akissuteqassaaq, kisiannili Ingerlatseqatigiiffiup siunnersortigisai
avataaneersut imaluunniit suleqatigisat allat sinnerlugit akissuteqarsinnaanani.*

Naamik, oqaatsinut tunngatillugu Ingerlatseqatigiiffimmi sulinermi immikkut ittunik atugassaqartitsisoqanngilaq. Katersuussinnaatitaanermut inerteqquteqarnermut tunngatillugu Corona pillugu Tunaartaqarluni iliuusissanik pilersaarusiame Immikkoortoq 2-mi oqartussaniit innersuussutaasut malinneqarput."

2. Kalaallit Airport A/S-imi, Kalaallit Airport International A/S-imi imaluunniit pilersui-sussaaitaasuni oqaatsitta atornerqarnissaat inerteqqutaava?

§ 37 naapertorlugu apeqqutigineqartut akiniarneranni Kalaallit Airports A/S-imut akissutissanik piniartoqarsimavoq taannalu imaattunik akissuteqarpoq:

"Suliffeqarfik sorleq apeqqutigineqartumi pineqarnermaq oqaaseqatigiinni paasiuminaassinnaammat aallarniutigalugu uparuarneqassaaq;

Apeqqutigineqartumut tassunga ingerlatseqatigiiffik Kalaallit Airports Holding A/S, Kalaallit Airports International A/S aamma Kalaallit Airports Domestic A/S sinnerlugit akissuteqassaaq, kisiannili Ingerlatseqatigiiffiup siunnersortigisai avataaneersut imaluunniit suleqatigisat allat sinnerlugit akissuteqarsinnaanani.

Naamik."

3. Suliniummi kalaallit sulisartut immikkoortinneqarneragaanerat pillugu Kalaallit Air-port A/S aamma/imaluunniit Kalaallit Airport International A/S qanoq isumaqarpa?

§ 37 naapertorlugu apeqqutigineqartut akiniarneranni Kalaallit Airports A/S-imut akissutissanik piniartoqarsimavoq taannalu imaattunik akissuteqarpoq:

"Mittarfiliortiternissani suliakkiutigineqartut suliarinissaannut suliarineqartussat pillugit isumaqatigiissutini kalaallit inatsisaannik aamma kalaallit isumaqatigiissutaannik eqqortitsinissamik piunasaqartoqarsimavoq nalunaarutigineqarsinnaavoq. Peqatigitillugu ajornanngippat najukkani sulisussanik ilinniartunillu atuisarnissaq pillugu piunasaqartoqarsimavoq. Siuliani taaneqartunik unioqqutitsisimanermut ingerlatseqatigiiffik ulloq manna tikillugu ilisimasaqarnanilu uppernarsaatissanik saqqummiivigineqarnikuunngilaq."

4. Kalaallit Airport A/S-imi aamma Kalaallit Airport International A/S-imi qullersat pis-sutsit uparuartorneqarsinnaasut pillugit aaqqiiniarlutik qanoq iliuuseqalersaarpat?

"Pissutsinut isorineqarsinnaasunut ilisimasaqartoqalissagaluarpat Ingerlatseqatigiiffiup aqutsisui paasissutissat piviusuusut tunngavigalugit pisumut suliniutaasinnaasunullu isummerumaarput."

5. Kalaallisut oqaaseqartut sulisartut katersuussinnaanerat, oqaatsitsinnik atuisinnaanerit imaluunniit allatigut inatsisitigut pisinnaatitaaffiini ajornerulersitsilluni unioqqutitsillunuunniit piimasaqaatinik sinaakkusersuisoqarsimagaluarpat, taava Naalakkersuisut aaqqiiniarlutik qanoq iliuuseqalersaarpat?

Kalaallit Airports ingerlatseqatigiiffiillu mikinerusut tassannga aqunneqartut inatsisinut atuuttunut akerliusumik sulinersut Naalakkersuisut ilisimasaqanngillat.

Ilanngullugu Naalakkersuisut aktiaateqarluni ingerlatseqatigiiffinni Namminersorlutik Oqartussanit pigineqartuni aqutsisuuneranni pigineqataasut paasissutissiissutigisinnaavara, siulersuisut ulluinnarnilu aqutsisut akornanni piginnaatitsissutit agguataarnissaat naapertorlugit ulluinnarni piareersaasarmata, soorlu tamanna ingerlatseqatigiiffiit pillugit inatsimmi nassuiarneqartoq.

Naalakkersuisut Kalaallit Airports-ip aaqqissuussaananeranut tunngatillugu pissutsinik naleqqutinngitsunik ilisimasaqalissagaluarpata Naalakkersuisut pisumut pineqartumut iliuuseqassapput tamannalu tunngavigalugu aalajangiillutik.

Inussiarnersumik inuulluaqqusilluta


Karl Frederik Danielsen



03. september 2020

Inatsisartut Suleriusaanni § 37 immikkoortoq 1 naapertorlugu Naalakkersuisunut apeqqut imaattoq matumuuna saqqummiuppara:

Naalakkersuisunut apeqqutit:

1. Kalaallit Airport A/S-ip, Kalaallit Airport International A/S-ip imaluunniit pilersuisussaati-taasut ataanni sulisunut atugassaritinneqartut eqqarsaatigalugit oqaatsitigut imaluunniit katersuussinnaatitaanermut inerteqquteqartoqarnersoq?
2. Kalaallit Airport A/S-imi, Kalaallit Airport International A/S-imi imaluunniit pilersui-sussaataitaasuni oqaatsitta atorneqarnissaat inerteqqutaava?
3. Suliniummi kalaallit sulisartut immikkoortinneqarneragaanerat pillugu Kalaallit Airport A/S aamma/imaluunniit Kalaallit Airport International A/S qanoq isumaqarpa?
4. Kalaallit Airport A/S-imi aamma Kalaallit Airport International A/S-imi qullersat pissutsit uparuartorneqarsinnaasut pillugit aaqqiiniarlutik qanoq iliuuseqalersaarpat?
5. Kalaallisut oqaaseqartut sulisartut katersuussinnaanerat, oqaatsitsinnik atuisinnaaner-at imaluunniit allatigut inatsisitigut pisinnaatitaaffiinik ajornerulersitsilluni unioqqutitsil-luniluunniit piunasaqaatinik sinaakkusersuisoqarsimagaluarpat, taava Naalakkersuisut aaqqiiniarlutik qanoq iliuuseqalersaarpat?

Tunngavilersuutit:

Kalaallit Airport A/S-ip ataani mittarfiliornermi sulisut atugaat pillugit.

Ilulissani Nuummilu mittarfiliornarit nunatsinni sanaartukkat maannamut annersaraat, taannalu Namminersorlutik Oqartussat danskit naalagaaffiat suleqatigalugu aningaasalersorneqarluni.

Suliniutip annertussusia akialu eqqarsaatigalugit innuttaasunut suliffissaqartitsiniarnikkut iluaqu-taanissaalu pissusissamisoortumik naatsorsuutigineqarpoq.

Nunami allamiut sulisartut sanaartornermi pinngitsoornani akuutinneqarnissaat piunasaqaataa-voq, tamannalu sanaartortitsisup ernumassutigisariaqanngilaa. Taamaattoq sulisartut nunatsin-neersut sutigut tamatigut atorneqarluarneqarnissaat naatsorsuutigisariaqarpoq. Tulliattut sulisut akissarsiaat sulinermilu atugaat naapertuuttariaqarput nunatsinni sulisartunut iluaqutaasusan-gorlugit.

Nunatta Qitornai

Inatsisartuni



2018-imi suliariumannittussarsiuussinermi atortuni takuneqarsinnaavoq akissarsiat sulinermilu atugassarititaasut SIK-p Nunatsinnilu Sulisitsisut akornanni isumaqatigiissutit minnerpaamik naapertorlugit atuutissasut.

Apeqqutit saqqummiunneqarput siusinnerusukkut sulisuusimasut immikkoortinneqarneragaaamata, taakkulu pissutsit tikkuartorneqartut toqqammavigalugit soraarsineeqarsimallutik.

Ullut suliffiusut qulit iluanni akineqarnissara inussiarnersumik piunasaqaatigaara.

Inussiarnersumik inuulluaqqusillunga

Aleqa Hammond
Inatsisartunut ilaasortaq